

北洋官報

錄目

宮門抄

奏議○民政部奏議覆湖北警察畢業生獎案摺△大理院奏覆判各省死罪變通辦法摺摺片十則
公牘○督憲札二件△學司詳一件△武昌縣稟一件
文告五則△電輔六則△各省五則△各國六則
彙編○河南諮議局議決案
已酉官報目錄

本局第一百二十九期
法政學報出版
本日增刊己酉官報目錄一頁

現刻北洋同官錄各處履歷尙未來齊務望於二月內送交敝局以便三月初旬一律印刷
本局謹啓

宮門抄

一月初四日 度支部 宗人府 正白旗值日 德壽由 西陵回京請 安 兜欽謝署廂藍蒙副
都統 恩 阿公假滿請 安 許澤新請假十日 掌禮司奏初七日祭 奉先殿澤公行禮
召見軍機

奏議錄要

西歷一千九百十年三月十五號

禮拜二

第一千三百六十四册

一

民政部會奏議覆鄂督奏請將湖北警察學堂畢業生等併案給獎摺

奏爲遵

旨議奏恭摺會陳仰祈

聖鑒事湖廣總督陳夔龍附奏湖北警察學堂畢業學生擬請併案給獎

教員管理員及所聘日本教員並擬援案請獎酌給寶星一片宣統元年十一月初二日奉 硃批該部議奏欽

此欽遵由內閣鈔出到部原奏內稱湖北警察學堂於光緒三十一年正月開學至三十三年冬季先後畢業學生

計共三百餘名並派赴各屬勸辦警察兼充教習擬俟宣統二年各廳州縣巡警教練所一律畢業後察看該生成

績參合從前畢業等第擇尤援案酌予出身藉資鼓勵至在堂教授管理各員時逾三年始終其事不無微勞足錄

擬請援照各省辦理學堂有成績者扣足三年擇尤給獎之案酌予獎叙又所聘日本教習警察官市川阿蘇次郎

吉原大藏二員或已回國或尙在鄂該洋教員教授有成學皆畢業可否照各省學堂教習洋員奏准賞給寶星成

案酌賞寶星等語臣等查該省奏請將未經改設高等之警察學堂畢業生擬俟宣統二年併案擇尤酌獎應先及

臣部立案俟奏請獎叙時卽由該省將各生詳細履歷及考試分數教授成績咨部照章辦理至所請保獎教習由

管理各員擬准其援案照章給獎應由臣部咨行該省將列保各員詳細履歷在堂職務任事日期造具清冊並學

堂成績表等項送部核辦其所聘日本教習二員請援照各省學堂教習洋員奏准賞給寶星成案酌賞寶星等語

外務部查各省學堂聘用洋教習等已滿三年均准奏請 賞給寶星歷經辦理有案此次請獎教習市川阿蘇

次郎吉原大藏二員寶星原奏未經聲叙在堂是否已滿三年應令該督查明聲覆再行核辦所有遵議緣由是否

有當謹恭摺會陳伏乞 皇上聖鑒再此摺係民政部主稿會同外務部辦理合併聲明謹 奏宣統元年十二月二十九日奉 旨依議

欽此

大理院奏覆判各省死罪酌擬變通彙奏款式摺

奏為臣院覆判各省死罪案件酌擬變通彙奏款式以期清眉目而免舛誤恭摺仰祈 聖鑒事竊查向來辦理尋常命盜案件各省俱單本具題刑部會同法司逐起按限題覆自光緒二十七年改題為奏刑部奏定章程聲明外省尋常死罪由題改奏者奉 旨交議後由部各按省分彙案奏覆隨時酌量多寡至多以十起為率等因歷經遵辦在案惟當時定擬彙奏款式先將各案事由逐起彙叙次出各案正犯罪名次及各案餘犯辦法在情節無多之案尙屬易於清釐若使頭緒紛繁或餘犯較多則情罪之介乎疑似者既難於查核而此案之犯或混入彼案尤恐易滋舛誤查從前改奏之始本屬逐起開單分之不失單題之本法合之猶是彙奏之規模其體例似較為妥善現在法院編制法業經 頒布各省死罪案件欽奉 硃批改由臣院覆判具奏臣等公同商酌擬請嗣後臣院彙奏覆判死罪案件改為逐起開具清單仍至多以十案為率如命案內之起衅根由傷痕部位盜案內人數贓數之多寡以及正犯之應擬罪名餘犯之若何科斷俱於案內逐一叙勘明確庶各歸各案眉目既清自鮮舛漏畧誤之弊如蒙 俞允臣院即欽遵辦理所有覆判外省死罪案件酌擬變通彙奏款式緣由謹恭摺具 奏宣統二年正月二十六日奉 旨依議欽此

摺片摘要

晉撫丁寶銓奏遵設憲政籌備處摺二月初二日奉 硃批該衙門知道
又奏上年十二月分雪糧情形摺同日奉 硃批知道了
又奏請以恩順補文水令摺同日奉 硃批吏部議奏
又奏已故署臨汾令戴廣慶虧短銀兩勒限追交片同日奉 硃批著照所請該部知道
又奏酌定司道各官公費摺同日奉 硃批該部知道
又奏暫定撫署公費片同日奉 硃批該部知道
又奏禁煙公所歸併衛生局片同日奉 硃批知道了
又奏解俄法款銀片同日奉 硃批該部知道

又奏請以董鳴玉補孟縣令摺同日奉
蘇撫寶棻奏抵蘇接印日期謝 恩摺同日奉

硃批吏部議奏
硃批知道了

公牘錄要

督憲陳據學司詳北洋中學堂英文科經費抵撥補習學堂札飭運司查照文

爲札飭事據提學司詳稱案照北洋中學堂附設英文科常年經費銀八千三百八十二兩係由運司於永屬鹽務項下籌撥現在該堂業經停辦查本司詳請籌設補習學堂案內聲明先辦小學補習科續辦中學補習實業補習兩科所需經費於停辦北洋中學堂餘款項下加撥毋庸另籌他款等情在案現計續辦中學實業兩科需費尙多雖經另案詳請將北洋中學堂舊定經費支騰銀九千五百七十餘兩支撥備用實尙不敷擬請將指撥永屬鹽務項下北洋中學堂附設英文科每年經費銀八千三百八十二兩一併改撥補習學堂作爲續辦中學實業兩科經費以濟要需而符原案相應詳請憲台札行運司轉飭查照按數撥解實爲公便等情到本督部堂據此除批據詳已悉北洋中學堂附設英文科常年經費銀八千三百八十二兩應准一併改撥補習學堂作爲續辦中學實業兩科經費以符原案候行運司轉飭查照按數撥解仰卽知照此繳等因印發外合行札飭札到該司卽便查照辦理此札

督憲陳據北運全河工程局詳飭議香河寶坻兩縣河工移由通水道派員查勘應辦情形暨請另撥工款札飭賑撫局查照文

爲札飭事據北運全河工程局詳稱竊職局於宣統元年十二月二十日奉 憲台札飭據賑撫局詳議香河縣稟請修築獨立莊等村河堤以工代賑一案飭由職局一併派員勘修等因正籌議間又奉 憲台批發據香河縣陳令勒估河工情形原稟並摺飭仍妥議辦理各等因奉此職局當以該縣河工與北運河初無關涉惟事屬通水道轄境應由林道就近派員勘辦旋將奉發估摺移送查照辦理去後茲准通水林道移開查此項工程敝道到任後曾經派委前任遷安縣孔令憲廷前往查勘業已得其大概事關民瘼不厭求詳當仍委該令馳往香寶兩縣詳查具覆據稟奉委後遵於正月初十日束裝由蘆台經寶寶兩縣交界之八門城勒明尾閘緣河而上查得箭桿河下

游一帶面寬槽深足資蓄洩並沿途詢訪鄉民僉以萬駙辛莊口門未堵致下游三百餘村莊頻年罹此昏墊於十二日抵寶邑適于令公出因商同該縣典史傅集城鄉紳民在於該縣署內集衆籌議增貢生王如恪等到者計二十四人僉稱萬駙辛莊口門屢堵屢潰皆因梨園正河淤塞鮑邱一河宣洩不及兼之李遂店決口趨入此河來源甚大以致橫冲旁溢由口門流出數里水勢散漫至淹浸三百餘村之多今若堵築口門必須挖開梨園淤河使箭桿河全河上下通暢順軌安流其支流入鮑邱河暫仍其舊盛漲時尙可分洩實與香寶兩邑大有裨益各等語衆口相同如出一轍卑職設詞詰難悉心研究似亦以該紳民等所言爲正當辦法或有謂口門既堵不必開梨園淤河仍令歸入鮑邱河此乃意在壑鄰查箭桿河自怡賢親王裁灣取直河流順軌民享其利梨園正河淤廢正如人身胸膈阻塞上下不通焉有不受重病之理今既興辦此工則當爲全河謀公益不能爲一己徇私見若仍走鮑邱河無論水勢不順且兩河之水併入一河斷難容此巨浸况該河河槽窄淺堤岸早薄一遇大汛必易出險不獨三河受害無窮卽香寶兩邑亦難獨全該紳民等亦均以爲然十四日抵香邑陳令亦公出未歸探訪輿論尙無歧說因復馳至工次察看淤河地段並丈量口門寬深均與香河縣原估相符查該縣原估方價尙屬撙節應卽招集本地民夫仿以工代賑之法分段興辦較易爲力然尙有爲該縣所未議及者如淤河延長十三里中間舊有石橋六座爲往來孔道亦併淤塌其舊料尙屬可用擬俟開工後再爲估計稟辦口門對面有灘嘴一道居民已徧植柳株必須挖平使不至對岸頂冲應俟開工時酌度辦理又寶坻境內接連箭桿河有大渠河一道盤曲迴環卽怡賢親王裁灣之所今箭桿河一律開通擬將該河頭酌加疏濬使盛漲之水得所儲蓄如淀泊然則寶邑可永無水患此項工程應請飭令該縣勸民興辦箭桿河水勢一河足資容洩惟現在李遂鎮口門未堵來源甚大沿河堤壩間有坍塌之處必須逐段勘明酌量修補冀可稍顧目前以上各項均爲原估所未及而爲全河計又必須預爲籌畫者也至箭桿河修復之後每年防汛及添植柳株各事宜應由各該縣遴選沿河紳董仿照大清子牙官修民守章程認真辦理庶可經久無弊此又爲善後之辦法也應請憲台一面稟請撥款一面遴委委員趕緊經理於春融後迅卽開工庶香寶兩邑災黎雖誤春耕尚期秋穫實有不容須臾緩者且上年李侍御條奏亦以馬家窩口門宜籌堵塞正謂此也所有遵飭查勘議辦緣由是否有當理合稟請鑒核等情據此查閱該令所稟均係實在情形條

列辦法尚有條理足備採擇竊維香寶兩邑災歎頻仍盛漲橫流被水村莊至三百餘處之多田園廬舍在水中央災黎待救孔殷有如星火如寶坻縣增貢生王如恪等關懷桑梓迭次具稟請辦此工該兩縣遂帶同王如恪等逐細查勘揆節估計其所估工款銀二萬零七百八十八兩八錢一分六釐均極核實毫無浮冒熟思審度實爲刻不容緩之要工況疊奉 督憲札飭修辦紳民感頌鼓舞思觀厥成下順輿情上宣德意萬難稍事遲延惟貴局款項係經 奏定無從抽撥此項經費應由貴局詳請 督憲飭由賑撫局如數籌撥以濟急需仍請貴局遴派妥員督同辦理實爲公便相應將原摺移還請煩查照掣銜具詳等因准此職局伏查香河寶坻兩縣連年災歎被水村莊三百餘處揆厥情形直與武清縣楊村一帶相等推原其故蓋因該縣河工久失疏治淤塞日甚加以李遂店決口潮白河之水注入該河致令不能容納氾濫爲災既經通永林道派員查勘屬實自應及時修築以蘇民困惟職局現辦北運全河工程需款浩繁奏撥之數尙虞不足實未能兼籌並顧此項工款銀兩擬請 憲台札飭賑撫局照數籌撥以資興辦所有奉飭妥議香河寶坻兩縣河工移由通永林道派員查勘應辦情形暨請另撥工款各緣由理合具文詳請 憲台察核批示祇遵等情到本督部堂據此除批示外合行札飭札到該局即便查照妥籌詳辦此札

學司詳報保定職紳朱廷楨等呈省城保姆養成所虧款甚鉅請照數籌撥文並批

爲詳報事案查保定職紳朱廷楨等呈保定省城保姆養成所虧款甚鉅請照數籌撥一案於宣統元年正月稟由天津南段巡警總局呈蒙 前憲台楊 批准由廣告項下並劉洛房地變價款內各撥洋一千元以資彌補當准南段巡警總局錄批抄呈否會在案並據該紳等呈同前因又據普育女學堂及民立第一女學堂等處稟請補助前來本司詳加查核劉洛房地既經變價充公尙存洋一千三百元應遵批以銀洋一千元撥充保姆養成所餘洋三百元擬勻撥普育女學堂及民立第一女學堂各洋一百五十元以資補助當經移准南段巡警總局將該項存洋一千三百元咨送到司除分別支發外理合備文詳報 憲台察核備案爲此備由具呈伏乞 照詳施行須至

詳册者

督憲陳 批如詳備案此繳

武昌縣縣令曾翰稟整頓學務各情形文並批

敬稟者竊維設立學堂爲造就人材之要著而造就人材更莫要於多設初等小學蓋學堂多則人材可望倍出學款足則教育可期普及然後纔能經久日漸發達立於不敗之地伏查武昌邑官立高小學堂經費雖未充裕然常年尙可支持惟四鄉初小學堂原辦均未盡完善其學費多出自民間公攤迨成立之後均因無常年的款致有乍輟乍輟之虞卑職於去秋調署來茲蒞任之初適值亢旱不雨民情不甚安謐各戶應攤學款抗不交納因之舊有初小學堂九十餘座已於卑職未到任之先停閉四十餘處其未停止者亦因無款接濟岌岌可危大有全體閉散之勢於是卑職督同總董並各區勸學員紳極力維持將拖欠學款之戶先則婉勸清交其中有玩戶抗延者不得已傳催追呼之將停閉之各學堂設法籌給津貼始得復開卑職卽於去冬邀集衆紳議訂章程組織教育會並集全境學務董員商議籌款之法以爲久遠之謀迺諸紳會謂地瘠民貧無可措手卑職遂倡言擬仿照隣縣按地糧抽收學費以每兩糧銀抽收京錢五百文撥作初小學堂常年的款培植闔邑子弟諸紳董咸皆舉手認可以爲此舉如能辦到從此我邑學務大有發達昌明之望當於今春據新充勸學總董魏紳維楨糾合各紳董聯名稟請前來經卑職具稟請示仰蒙我 憲台力爲維持照請核准於本年九月間奉札試辦卽經出示曉諭知會總董在勸學所左近安設收支處選派妥人經收學費惟奉文在下忙開徵已久已完糧之戶未便再行催令赴城完納學費祇可將未完之戶飭令照數交納幸闔邑士民深明大義人人踴躍輸將並無反對阻撓者茲將本年下半年忙所收學費內提一成爲收支處用人一切雜費等項開支又提出一成發商生息留作備荒之需其餘八成卽按學堂之座數學生之多寡程度之高低酌量分配來年卽照此次分配之法辦理開會集衆公議無不贊成現查境內舊有及新添共計一百零三座將所收學費茲據總董魏維楨開具分配津貼情形及學生人數列表稟呈前來卑職查核分配之法甚爲公允理合照繕表摺稟請 憲鑒查本年添設初小學堂加增學生此次開辦觀摩會比較優劣其各學生之程度亦均增高學務之有進步似覺已有明驗而進步之速原非卑職初意所及此皆仰仗 憲台督率於上賴諸董員等襄理於下之力也第卑職現已奉示飭赴新河本任此間接替有人行將交卸尙有應行擴充事宜惟冀我 憲台批飭接任之員督同諸董員等認真經理之俾武昌學務蒸蒸日上日起有功所有卑職任武年餘整頓學務及添設初小學堂座數並本年下半年忙隨糧帶徵學費分配津貼各緣由理合填表稟呈 大人查核俯賜批示

備案實爲公便肅此具稟恭請 勛安伏乞 垂鑒

學台傳 批詳悉學費籌定分配各堂津貼辦理甚爲允妥應准備案仰移後任督同辦學員紳認真經理勿墮前功仍候 督藩憲批示繳

文告錄要

學部批示○清宛縣廩生趙恂呈明遵例承廩入堂肄業由 批稟悉仰候咨送法政學堂肄業可也此批

學部牌示○爲牌示事照得各省咨送經科大學學生本部業於上年十二月間覆試一次在案其續行咨送到京

者茲定於正月二十八日補行考試屆期仰該生等衣冠來部聽候點名可也

督憲批示錄要○大名鎮稟第二鎮退伍兵在邢台縣滋事已飭營縣拏獲李萬林等五名分別解保管押由 批

據稟已悉查此案前據沙河縣稟報過境勘驗當經批飭臬司移營速將滋事之退伍兵按名嚴拏解交邢台縣

審擬詳辦在案茲據稱已飭營縣獲犯五名分別解保管押等情仰候札行臬司查核移飭遵照辦理此繳○津

海關道稟奉發助賑法國水災銀三千兩法領函覆收到請查核由 批據稟已悉繳○懷柔縣高令步青稟改

設宣講所閱報處由 批稟摺均悉仰提學司核飭遵照此繳○饒陽縣徐令永棨稟設半日學堂由 批稟摺

均悉應准立案仰提學司即飭該縣督率各教員認真教授以期教育普及此繳

京師陸軍測繪學堂招考告示○爲出示招考事照得本堂二班學生於本年二月間畢業照章應行招考新生入

堂接續肄習業經稟奉軍諮處批定此次考選新生正附額九十名自應遵照辦理所考選之學生至畢業當差

後仍擇其成績較優者入高等科加習二年畢業以後考試合格照章作爲舉人出身並授以相當軍佐官職以

資鼓勵茲將考選學生規則分條刊錄爲此出示招考如有志學習測繪情願應考者望查照規則所列各條能

以合格即按所定日期報名投考毋得觀望自誤可也此示 附錄考選學生規則如左 計開 一學籍 考

選順天府居住宗室覺羅及滿漢各生充正額學生在京客籍子弟亦准投考惟照章應作爲附額學生其正附

額學生在堂火食履筆墨紙張書籍等費統由本學堂備給 二學額 正額學生應定爲八十名均發給津貼附額學生十名不給津貼如本籍學生考取不足正額准以客籍學生補足亦即作爲正額其附額學生十名

應俟正額學生缺出隨時按考列在前者循序提補至於附額學生畢業之際其出身授職任用概照正額辦理

三學科 新生入堂統歸爲尋常科先習普通學一年期滿考試在堂所習學業凡程度及格者一律留堂分

習三角地形製圖等專門科學其試驗不及格者均令其退學 四學年 尋常科習普通科學一年專門科學

一年共計二年爲尋常科畢業之期 五出身 尋常科畢業時考列優等者作爲拔貢生考列上等等者作爲優

貢生考列中等者亦作爲優貢生分別札補測繪上士中士下士俟當差二年後擇其成績最優才堪深造者選

爲高等科學員令習測繪高等科學以宏造就 六津貼 新生入堂三個月後甄別一次以定去留學者照章

給津貼不及格者一律退學惟附額學生未提補正額時不給津貼 七學規 學生在堂應恪守堂規服從命

令不准無故退學倘因事故革退者由本學堂查其情由責令賠償在堂一切費用 八選格 (一)年歲 十

八歲以上二十二歲以下 (二)品行 性情誠樸素無過犯 (三)出身 確係良家子弟 (四)志趣 誠

心向學別無嗜好志願從事測繪十年以上者 (五)學業 文理明通曾習算術初等代數地理歷史等學

(六)身格 高一米達六十生的上下體氣結壯素無隱疾 (七)目力 能辦目力表二十號以下 (八)

相貌 五官端正四肢靈活口齒清白耳目聰明 (九)保證 投考者已經錄取後應由本人出具甘結並覓

殷實舖號或在京供職人員出具切實保結交本學堂備案其甘保結紙由本學堂發給 (十)報名 凡報名

者須先開具姓名年歲籍貫隨帶三寸以上半身相片一張到安定門內方家胡同本學堂報名所報名登簿自

本年二月十八日起至二十八日截止 (十一)考試 報名後聽候定期按照選格分場考驗合格者由本學

堂榜示再行覆試其未列榜者均爲不及格准將原送相片取去其覆試合格者由本學堂定期入學

天津商務總會批示○高禹孫揭陳常林等欠款一案 答來書閱悉候備文嚴催此覆○李春澤揭陳前欠吉蔭

堂魏姓等款一案 答來書閱悉候集議此覆○齊連陞揭陳失迷功成玉匯票一案 答來書閱悉如請備案

仍登商報宣佈俾衆周知此覆○萬寶堂揭陳今保高榮泰失迷功成玉匯票一案 答來書閱悉高榮泰失迷

匯票既經該商具保准如所請存案仍希登商報宣佈周知此覆○龐葵揭陳前欠正大等號款項一案 答來

書閱悉候傳同原保集議核辦此覆○孫履晉揭陳查岐山偷賣磚坯一案 答來書閱悉候傳議此覆○湯志

成揭陳德和湧欠款一案 答來書閱悉候併案核辦此覆

畿輔近事

順天官事紀要○順天府東路同知章明府師程病故所遺之缺經王大京兆飭委現署宛平縣徐大令國楨升署

遞遺宛平縣缺委准補三河縣現署薊州唐刺史玉書調署遞遺薊州之缺委試用通判沈別駕乃杰署理

咨明南斐洲華工回國事○督憲於日前准 外務部咨開准英參贊甘伯樂面稱西三月七號有南斐洲華工若干名由英船希利泊里號載運回華西四月十號可抵煙台所有斐洲華工此次即全數運回特以奉告再另有

犯人四十三名亦擬同時運回中國等語相應咨行貴大臣查照飭知可也等因已札飭各海關道查照矣

彙紀外人遊歷事○督憲准山東撫院咨德國工程師郭理羅擬全其姊由濟南赴山東直隸河南山西遊歷又德國工程師博威慈由青島赴山東直隸遊歷又英國人李者士由濟南赴山東直隸山西遊歷又據津海關道呈

英國內地會女教師麥格利由津赴直隸山東河南山西陝西湖北遊歷又德國人牙醫生衛爾德及其婦人赴

直隸山西遊歷各等情除分咨外已札飭所屬照約保護矣

警員升補官費名單○天津警務學堂第六期學員升補官費名單如下 王濟安徽 黃祖培安徽 鄭啓瀛河

南 周宗勃浙江 魏連元奉天 吳文潮江西 言餘江蘇 蕭印生天津 錢承恩江蘇 楊守蘭安徽

陳亨福建 郭夢文直隸 劉恕直隸 戴書麒直隸 劉展源山東 徐金棠廣東 崔光煒四川 李寅清

直隸

出品協會推展開會日期○直隸出品協會刊發公啓云啓者直隸出品協會原擬於本年二月初六日至十二日

開辦正式展覽會惟開幕之日擬恭請 督憲陳及官紳商學各界並外賓蒞會觀覽演說是日暫不售票入覽

專辦開會事務茲擬展限三日定於初七日起至十五日止爲售票入覽之期初七初九初十二十三十五等

日爲男客入覽期初八十一十四等日爲女客入覽期所有上午下午開門閉門時限仍照前次廣告時間辦理

特此續佈

清苑官立女學開校○保定省垣前平嘉胡同路南清苑官立第三初等女學堂於二月初一日開學所有報名諸

清苑官立女學開校○保定省垣前平嘉胡同路南清苑官立第三初等女學堂於二月初一日開學所有報名諸

生均於是日上午十點鐘齊集該堂行謁

聖禮屆時毋悞此示

各省近事

政 治

撫轅派委文案各差○蘇撫寶中丞蒞任後撤退文巡捕一員武巡捕二員已改委德章孫國璧項建功分別接辦
茲復委派降調四川候補道翁觀察爲總文案分部主事易主政壽爲密電委員浙江候補知府許太守沅爲洋
務參議李大令光乾崇大令照爲收發湖南候補知縣曹大令亮臣繕校兼過硃貴大令德收支兼庶務俞大令
溥譯電兼膳清王大令琴堂書啓分省補用同知余司馬祖烈伍大令輝裕汪大令鴻藻吳大令忠本尙大令崇
基韓大令嗣昌蕭少尹樹霖爲文案並加札仍委候選知府陳太守天麒爲東文繙譯各專責成

江蘇諮議局請開臨時會○江蘇諮議局議長副議長及常駐議員等呈督撫兩院云查諮議局章程第三十三條
內開臨時會於常年會期以外遇有緊要事件經督撫之命令或議員三分之一以上之陳請或議長副議長及
常駐議員之聯名陳請均得召集其會期以二十日爲率等語竊上屆常年會期內因未奉 憲政編查館閉會
後不得覆議之電本局既未於會期以內多留專待覆議之期日督撫部堂亦未於會期以內迅將交令覆議事
件札行本局本局議案均係緊要事件計呈報議決案四十六件公布施行者僅有五件餘有交覆議者且有並
未交覆議者 朝廷督促憲政計日而期議員坐糜公費撫心而愧用敢違章用召集臨時會之第三條擇定本
年三月初九日爲臨時開會之期請督部堂撫部院即日通電各屬於三月初八日以前令議員到局齊集以重
議會要政又查局章第三十四條內開凡召集開會應於三十日以前由議長將本屆開會應議事件預行通知
各議員本局遵章應於二月初九日以前由議長通知本屆臨時會應議事件理合呈請督部堂撫部院鑒核一
面發電召集一面並將電文於二月初一日以前札行到局俾得預備一切爲此合詞呈請督部堂撫部院迅予
施行

學 務

學款處委派會計員○蘇垣長元吳學款處總董江君霄緯以該處款項殷繁非有精於稽核之員不足以收臂助

現查有杜君酉生久辦育嬰堂務實事求是有口皆碑聞已委派杜君總理該處銀錢兼顧一切事宜
兩級師範費變通發給○浙江兼署藩司袁方伯具詳撫院略云准兩級師範學堂監督咨稱敝堂常年經費擬定
各於季首之前十五日作爲四季請領定期所有宣統二年夏秋冬三季常年經費銀一萬一千二百五十兩現
在待用甚急請速予提前解給濟用等情查省城兩級師範學堂經費奉飭每年籌銀一萬五千兩遇閏照加已
將宣統二年春季之款解放在案茲准前因自應提前速予解放以濟要需除飭庫動支銀一萬一千二百五十
兩解交學司轉給外理合備文詳報

各國新聞

日相宣言美日邦交○路透電云日本首相桂伯爵電致美國紐約日報謂日美兩國邦交甚爲親密并無不和之
理由且日美兩國遠東利權實無不和以及爭競之事如有人謂日美將有戰事其罪實不可恕云

坎拿大海軍政策○路透電云據坎拿大京城電稱坎拿大下議院會議數星期後始將第二次宣讀建造坎拿大
艦隊表式議妥議員包爾頓氏提議改正之件擬捐助德瑞納提號式大戰艦二艘并將坎拿大海軍政策宣布
議員反對者一百二十九人贊成者七十四人

英國政府籌賑水災○路透電云英國威利士地方之蘭達河水爲災有水閘一處與各處自來水道相連忽然崩
裂水即湧出將附近村莊全行淹沒溺斃居民六人現在水勢仍甚猛烈政府已派員籌辦急賑以免人民失所
德國改良選舉風潮了結○路透電云德國議員因此次改良選舉風潮頗不滿意於反對黨現在商定調和辦法
訂立表式所有選舉員勿庸直接投票即用秘密選舉辦法云

德首相定期赴義○柏林電云德首相赫洛威克氏擬於耶穌復生佳節赴羅馬一遊并於西三月二十二號謁見
義王提議德義外交政策

土政府宣布政策○柏林電云土政府宣言俟塞非亞國外部大臣米勞威士氏遊歷土京後土塞兩國之經濟問
題即可聯絡一氣并保守兩國和平大局現土國并未與俄國及巴洛堪半島各國聯約以表與塞國親睦之誼

原章勸學所總董資格前應增一條其義云 總董由各處教育會自治會正紳公舉合格人員由地方官酌保備選暫定爲三年一任每屆年終由司考其成績分別擢調留撤均於年前下札 原章總董勸學員資格應分爲二第一第二兩款仍原文第三款曾歷仕途有聲改爲曾於學務有經驗者并增中等以上學堂畢業者一款共四款爲總董資格以第四第五兩款并增有總董資格之一者一款爲勸學員資格 原章勸學所權限一項應移在辦事次第之前其第一款應改爲勸學所直隸於提學使司職正七品其體制比照學官例行文地方官用移呈地方官行文勸學所用移總董在任期內地方官不得加以非禮 第二款結尾下應增遇要緊公文由司徑札勸學所者勸學所對理後一面移呈地方官外仍將詳細情形報司有須移會隣封勸學所者即會商辦理 第六款各事宜下應增地方官三字 第七款得稟稟字應改作送 第八款係應辦事件項內事此處應刪 第九款省視學到境下應改爲勸學所受其調查 第十款應改所內應設書記司事等統由總董慎選 第十一款得由應改爲先由 第十二款結尾應增如有重大情事須上訴學司者必由本人封固稟函親簽名籍住址職業請勸學所蓋鈐掛號方准呈遞如勸學所不識其人令覓妥保以便將來查明不實反坐究辦如稟無勸學所鈐記者學司概置不理 查直隸通飭核定勸學總董權限文載上訴學司者必由本人封固稟函外將名籍住址職業一一註明請勸學所蓋戳掛號並親身到所親筆簽字作爲符證如勸學所不識其人令覓妥保以便將來查明不實反坐究辦其稟仍由本人帶回自呈或郵遞及奉到學司原封批回勸學所即告知本人到所當面簽收不得耽延私拆如在學司上稟無勸學所戳記者學司概置不理遇有所稟之事由學司派員就地查辦者公斷之後除應得罪名照例辦理外該委員每日盤川銀二兩責令理屈者先行交出不出者由地方官嚴追本省似應參仿 第十二款後應增兩款(一)凡教育會議決事件總董見有空礙難行者得令覆議如意見各執准分稟候核(二)自治會成立後勸學所經費受其檢查但地方稅未定以前所有已指定之教育經費不得議減 原章應辦事件項內第一款結尾應增並研究新定初等小學簡易識字學塾之管教方法第二款結尾應改爲切實會商學務興革事宜每屆學期與該會人員合考各學一次獎其優異其畢業考試尤應從嚴核定 第三款結尾應增限於宣統三年年前將各區七歲至十二歲學齡兒童總數造冊報司第四款應

刪第五款并改良各校下應改爲務須查照學司本年詳定分年籌備單內事宜趕辦只准提前不許落後每一學期應將辦過事實呈報一次第六款後應增一款 選派宣講員按期赴鄉演說如禁煙天足等事皆會奉

諭旨應切實講演以矯正社會之積習其有妨教育之戲曲淫祀得請於地方官禁止 (名爲社會教育)

原章應負責任兩項已包於辦事次序內似宜刪去 原章應守規則項內第三款應改爲總董遇有交替時非新派者到所不許擅離如有特別事故得請以教育會長暫代第六款以下所載已包於第一款內似應刪去原章應定功過項內第一款者應增總董及勸學員以該管內學堂多少成績優劣識字人數增進及格與否爲功過其總董功過云云第二款滿三年者下兩句應照部章改爲詳請給予正七品執照咨部注冊 原章薪水之限制項內酌中定數總董每月下不得過三字擬刪改爲以十八千文爲度勸學員每月下改爲以十千文爲度照減下擬改爲但不得藉口義務敷衍塞責其有實心任事不支薪水或充作學堂正用者地方官得詳請嘉獎 右計刪一十七款增六款修改二十款

一議決預籌審判廳經費案 竊查憲法精理以裁判獨立爲要義來案據憲政九年籌備事宜自省城商埠以至鎮鄉各級審判廳或先年籌辦次年成立或先年籌總次年粗具規模又次年成立統限於宣統八年一律成立法良意美漸進不驟惟府廳以下擬由地方籌款補助一節據衆議員意見皆不主張地方籌集謹說明理由如左 (甲)事實上不能籌集之理由 國朝二百餘年行政司法府州以下合同而化久已視爲故常以少見多怪之習慣遽責以二十餘萬一百餘萬之鉅款竊恐徒駭聽聞無補實事且開辦常款業經分爲兩端兼之成立本非一時既不便統籌完備懸款待事又不便陸續徵歛迭稅擾民况公費既不知成數即籌款亦難酌定規程種原因皆足爲事實之障礙此一說也 (乙)學理上不能籌集之理由 法律學具特別獨立之性質司法者應充其完全獨立之精神 國家既設各級審判使伸其法於行政官廳之外則所以培養而護持之者必有道矣查法部原奏內稱一切院廳設備官吏俸糈無非出自公家其用意至爲深切蓋士必臨財不苟而後能執法不阿故不以尋常酬報之說挫司法嶽嶽不羣之氣以上副 朝廷整頓法治之至意使此款集之地方與立法本旨實大相刺謬此又一說也 綜觀兩說同一不能籌集而學理之說尤爲深至現雖稅則未定而此種經費欲在 國家行政範圍以內即無事實上之種種障礙本局已不敢越俎代謀即謂庫帑支絀斷難全數籌撥亦應俟將來預算成立時再解決此問題也

涿州文牧玉詳請籌加膏捐提充自治學社等經費文
安平縣沈令祖憲稟到任情形文

初二日

深澤縣孫令毓琇稟在任次第舉辦新政情形文

初三日

督憲楊據薊州呈覆風箬箕等處煤礦尙未開辦札飭

礦政調查局查照文

學司詳武昌縣教育會成立擬議變通辦法文

吳橋縣呂令調元稟請酌收房地價錢串底以辦自治

學社文

初四日

督憲楊准稅務大臣咨德國軍隊改由水路回國所帶

軍器准其免稅札飭津海關道查照文

沙河縣雷令其源稟整頓警務更換巡官開辦傳習所

請查核文

容城縣牛令桓稟警董辦理巡警著有成效請獎文

天津縣董事會移天津縣請飭查淤地租價文

初五日

天津縣議事會爲代訴梨園困苦情形錄批申報天津

道府文

又移董事會辦理監察工巡事宜文

慶雲縣李令澤宸稟銀價騰漲賠累難支文
奉天高等審判檢察廳咨呈提法司請轉詳規定廳員
額數文

初六日

督憲楊准外務部咨各公使議津埠市面危迫當妥籌

善法等事札飭天津商會籌議文

督憲楊准郵傳部咨請飭撥實業學堂常年經費札飭

上海招商總局查照文

天津縣議事會移董事會議定養贍僧道辦法文

初七日

郵傳部通飭各路局按季將出入款項遵照部章彙造

總冊呈部文

南樂縣廖令毓英稟設自治學社文

完縣韓令樹梅稟設自治學社情形文

初八日

安州劉牧寶泰稟督憲依限籌定投票區投票所開票

所地址文

臨榆縣馬令慶麟詳明遵章整頓巡警餉項文

初九日

督憲楊准鳳都統咨德州機器局代造槍子擬派員前

往考驗無弊再行領運札飭該局遵照文

藩司等詳核議新河縣巡警改良辦法條規文

圍場屯墾木植局何道昭然等稟租穀難於久屯擬請

准照市價售銀存儲文

天津縣胡令商彙詳官小學堂辦公總處決算表文

河南商務局札府廳州飭屬按照現活桑樹養蠶以興

絲業文

初十日

礦政調查局詳派員前往宣懷礦礦局守提報效銀兩

文

天津勸學所稟停辦吏胥學堂文

延慶州周牧文藻詳覆境內并無開採金銀礦產之處

文

晉撫寶札各府州催各廳州縣迅速造送選舉名冊文

十一日

督憲楊據支應局詳覆飛龍小輪船應否撥給漁業公

司常川差遣抑每月暫借數天札飭漁業公司查照

文

天津道詳委員勒估韓家墅講武堂堤工請飭局撥款

文

天津縣董事會申津海關道辦理淤地收租事宜文

山西財政局會詳撫院派員分投查禁土藥文

十二日

東海關道稟煙台出洋輪船並無直赴美國亦無招水

手出洋情事文

北洋灤州官礦有限公司詳報馬家溝第一礦開工日

期請咨部備案文

正定府劉守紹鄴稟委辦新樂縣墾務出力印委各員

請咨查核分別獎恤文

灤州劉牧鳳鑲稟州屬沿海商船購備槍械防盜擬由

州發給印照酌收照費歸警局經費文

天津縣董事會移天津縣請查詢前清丈公所出售廟

產飭令繳還地價文

十三日

督憲楊准郵傳部咨各大埠商會邀請美商來華考察

商務事札飭上海招商總局遵照文附農工商部原

咨

運司詳豐財場塘沽灶戶前借庫款擬通綱買鹽代還

清楚文

天津縣議事會移南段巡警總局錄批抄送變賣廟基

修蓋警局辦法文


又申賑撫總局代于明莊等八村求借籽種春借秋還

文

立愈咳嗽

廣東商人函述胸受風寒咳嗽甚重身日瘦弱得韋廉士大醫生紅色補丸而復原
大凡肺部弱之人每遇寒溼天氣易感冒熱帶之間蒸氣潮溼肺部軟弱者受害更甚於溫帶按肺受損之故
其初多因傷風而起人每忽畧置之殊不知天下各處每年因此而喪生者不知凡幾夫肺固居身之內一部亦如
他部之賴而滋養而有力也所以苟如軟弱者有病自當亟宜治之其法莫妙於先培其血苟稠濃鮮紅則肺自然康
強有力矣韋廉士大醫生紅色補丸為醫學家所素知補血補腦之聖藥亦即為天下所著名治肺弱之靈丹即
治愈江君之疾者
並非紅衣紅血等

廣東江君啓東
胸受風寒為韋廉士大醫生紅色補丸所治愈



認明丸藥真樣以魚目混珠

認明丸藥真樣以魚目混珠
一也江君現年四十有四歲為泰萊公司副經理
胸際感受風寒數星期之久咳嗽甚重胸膈音啞
脊骨痠疼時氣促頭痛如斧劈心口疼痛胃
口全無四肢困倦骨瘦如柴病勢至此便其
急求醫士服藥數月絕無效驗適閱報紙見載有
與余相似之症服韋廉士大醫生紅色補丸而獲
愈者余心悅為所激怦然而動爰即購而嘗試之
一服之後便覺大見功效故接連服之直至十分
全愈而後已今者身甚康健諸痛全消實賴韋廉
士大醫生紅色補丸之功也請將此大醫生探
登報以告同病者知所問津焉韋廉士大醫生
紅色補丸常用使身體復原之稠紅血充盈血
管之法曾醫治無數各種疾病即如傷風咳嗽
少年斷喪陽萎不舉痲瘋癩癩癰疽皮膚諸症
乾溼癬癩痲瘋癩癰疽皮膚諸症以及
少壯婦女經水不調氣鬱不舒等症均有出售或直向上海四川路第一元五角每六瓶大洋八元遠近郵費一律不取

丸乃真韋廉士大醫生紅色補丸也

氣管發炎 氣逆哮喘 風溼骨痛 血薄氣衰 諸虛百損
背骨疼痛 頭痛頭暈 山林瘴氣 左癱右換 跳舞瘋病
少壯婦女經水不調氣鬱不舒等症均有出售或直向上海四川路第一元五角每六瓶大洋八元遠近郵費一律不取
各處藥局商店凡經售西藥之處均有出售或直向上海四川路第一元五角每六瓶大洋八元遠近郵費一律不取
發行所或向四川重慶白象街分局函購可也價銀每一瓶大洋一元五角每六瓶大洋八元遠近郵費一律不取

上海四川路第八十四號韋廉士大醫生藥局啓

北洋官報

第一千三百六十四册

告白

新 啟 告廣司公限有灰洋



啟者本公司係承受唐山洋灰公司老廠另購外洋最新式機器旋鑿等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精曾寄由德國國家柏林及日本關東都督府各化驗所驗得動力堅力及凝結時刻灰之粗細均合要工所用其成色與外洋最高之貨相等尚有機器製造之缸磚花磚洋灰瓦水溝管矸子土等項無論躉零交易均可本公司總理處設在天津海大道英租界並在天津奉天大連煙台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

利文洋

本行開設天津上海香港志呢華海參歲等處均設立有年諸班貨物由外洋本機器廠自造法蘭洋鐘皮套鐘天文坐卦等鐘以及金銀夾金銅鑲等表約有二百餘宗並各樣表鍊金鑲珠寶鑽石戒指耳墜鑲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡

大小皮包法國洋號又新到轉盤換調話匣八音盒價格外從廉仕宦官商光顧者請移玉紫竹林法租界本行面議可也

本行開設北京前門外鮮魚口天津估衣街中間路北山東濟南府院西路北內置綢緞紗羅願繡粧蟒洋貨布疋各色喇啞厚呢京廣什貨俱全貨高價廉劃一不二後廳內專售線貨織絨袍料衣包被套口袋線毯毛毯零賣均照行價發兌中外紳商賜顧移玉是幸

瑞林祥元記 綢緞洋貨莊

本行開設北京前門外鮮魚口天津估衣街中間路北山東濟南府院西路北內置綢緞紗羅願繡粧蟒洋貨布疋各色喇啞厚呢京廣什貨俱全貨高價廉劃一不二後廳內專售線貨織絨袍料衣包被套口袋線毯毛毯零賣均照行價發兌中外紳商賜顧移玉是幸

嶧縣中興煤礦有限公司添招新股廣告

敬啟者本公司前蒙 農工商部奏派承參上行走前長蘆運台周到嶧調查商籌擴充辦法預算五年內路礦用款出煤噸數並議招新股漕平足銀二百二十萬兩具文呈復旋蒙 農工商部札飭本公司邀集舊股東設法招集務於預算年限內每日出煤二千噸之數各等因奉此本公司現已遵札將添招新股章程詳善呈部奉准立案茲將部札原呈及添招新股章程登告以供 公覽其擴充辦法及出煤獲利取息分紅各節均詳周都轉原呈並招股章程毋庸贅述如有遠近官紳商庶願附本公司礦股者自一股至數百千股均可隨時向義善源慶善銀號洋灰公司河北周公祠後曉南鄭宅等處商附兌款後先給收銀憑單隨函告濟南總理處填寫股票息摺寄回轉交附股人收執為憑以收足原議之數為截止之期幸勿觀望自失利益特此敬佈

天津商務印書館廣告

歲逢庚戌萬象更新本館特製月份牌一種文雅富麗兼擅其勝專備 購書
 諸君贈品以助雅興凡購本館書籍圖畫 滿現洋二元者謹贈月
 份牌一張滿四元者二張 餘可類推不滿二元者不贈訂定正月初十日贈起
 至二月初十日止 如期內業已送完則當改贈他書臨時再行佈告

本館創辦十餘年編譯書籍將及千種茲特印成書目提要一冊欲閱者請向本
 館索取遠地函索即當寄奉 附 郵票購書 章程 凡值信局郵局不能匯兌款
 項之處其書價及寄費可用郵票為代辦法如下(甲)郵票以一角二角者為限如有零數可將一二分者
 合足三角以上之郵票不收(乙)郵票抵實洋以九五折計算如寄郵票一元僅能購書九角五分(丙)郵
 票有污損及不能揭開者不收(丁)寄費照書價加一成(戊)寄費至少須五分

商務印書館啟

天津分館開設河北大胡同 電話五百二十六號

奏辦京師自來水有限公司訂期開股東常會廣告

查本公司招股簡章第二十條內載每年二月各股東在北京本公司開會一次宣布上年盈虧情形預籌本年營業方針是為尋常會議現在本公司甫經售水並無盈虧可言而營業方針亟須預為籌畫以期推行盡利且開辦情形亦應逐細報告茲定於二月二十一日下午二鐘在北京前門內西城根本公司開股東常會報告提議一切事件應請諸位股東於會期前三日携帶股票赴本公司驗明填發入場券屆期即可持券入會如不先領入場券臨時碍難接待謹啓

天津勸工陳列所廣告

謹將本所自正月初六日至二十九日遊覽人數並代售貨品件數列

下 計開 優待票共一百五十二位 入覽客票共三百三十七位 參考客票共三百三十四位 四次禮拜
五人覽女客票一百六十一位 參考女客票一百六十位 代北京農工商部工藝局售出貨品二十四件 代
北京工藝商局售出貨品五件 代天津實習工場售出貨品三百五十件 代天津廣仁堂售出貨品四十件
代天津公益造贖公司售出貨品二百三十六件 代天津造贖有限公司售出貨品二百五十件 代天津永興
承售出貨品三件 代天津益豐成售出貨品一十四件 代天津同陞號售出貨品一件 代天津民立第八工
場售出貨品二件 代天津芝蘭香公司售出貨品一十二件 代天津合記造贖公司售出貨品一件 代天津
四省堂售出貨品一件 代唐山述記公司售出貨品一件 代山東農產製造所售出貨品一十七件 代四川
勸工局售出貨品三件 共統售出九百六十件

天津勸工陳列所謹啓

北洋股票交通有限公司遷移廣告

逕啟者敝公司於光緒三十四年十一月間詳蒙 北洋大臣批准設立其宗旨在於流通股票行用利便期人
人勃起股分思想俾實業有逐漸發達之機而免貿易無門入股者因而觀望溯自開辦以來交易甚夥成效頗著
誠為始料所不及惟原借北馬路售品總所本係權為會議辦公之區其房屋稍覺窄狹不足以昭接待來賓之誠
意今准於宣統二年正月初一日遷移北馬路北洋天津銀號門內北面樓上房間較前寬大遇有出進股票者接
洽顧形方便特此登報聲明即請 光顧諸君移玉是幸
北洋股票交通有限公司謹白

天津銀號廣告

本銀號代辦直隸公債所有光緒三十二三三四等年宣統元年第一二三四等年各期應付本利銀兩業經照數分
付並廣登告白各在案茲值本年宣統二年正月杪為公債第五年第一期滿給還本利之期即係原訂光緒三
十六年期限凡天津各票主請查照章程第七條持票至本銀號核取本年第一期本利銀兩且期滿之票並可任
便抵納地丁錢糧鹽課關稅及各稅捐已詳請 督憲照 奏准章程通飭各屬不准留難需索務即持票兌取
現銀毋得自悞再有本埠上四年到期未經支取本利銀兩各票亦可到本銀號驗票續發特此佈告

北洋灤州官礦有限公司訂期開股東總會廣告

啟者本公司現屆第二期派利謹擇於二月二十五日下午二鐘假座天津河北李公祠東院單棚內舉行股東常
會應請有股 諸君於會期前三日攜帶股票赴法租界五號路本公司驗明填給會券屆期即可持券入會如不
先領會券臨時礙難接待謹啟

本局廣告

本局承辦印刷研究
精良近益不惜重資
延聘外洋著名工師
添購新式機器精製
雕刻銅版所有承印
各種紙幣股票等件
圖畫精巧色澤鮮明
紙質堅緻屢蒙中外
官商照顧頗加獎譽
茲為推廣招徠起見
自本年承印各項價
目格外減讓以副官
商雅意如蒙賜顧請
至本局賬房面議可也

啟新洋灰有限公司舉行股東會議
敬啟者本公司現屆第三次派利謹擇於二月十六日下午二點至六點鐘舉行股東會議座設海大道英租界本公司總理處務所有股諸君於是日未刻 惠臨集議為盼
本公司謹啟

督署兩等小學續招學生廣告

督署後天緯路北學級 本校分高等初等兩級資格高等以能作短文為合格初等識字與不識字均可課程遵章報名自二月初一日起至二月三十日截止本在堂庶務處 考期 三月初一日早八點鐘考高等學生下午兩點鐘考初等學生 學費 不收

北洋灤州官礦公司開收第二期股本廣告

啟者本公司原招股本係分兩期核收分填天津地字兩項股票茲特定期將地字股本收足自本年正月十五日起望持天津股票為憑以便驗票收款天津本埠以三個月為限交法界五號路十四號門牌本公司總理處其外埠較遠以五個月為限仍交各處天津分銀號均先發執照一個月後換取地字股票如逾限不交當查照本公司招股章程第十七條辦理合先聲明此啟

順直納稅多額者公鑒

敬啟者資政院選舉納稅多額議員現經 督憲電請 資政院展限一月以二月初六日起至二月二十五日止為宣示互選人名日期以三月初一日為舉行互選之期刻由 督憲派定互選管理員辦理調查資格事宜假天津商務總會為辦公之所凡順直合格富紳即請於二月初六日前親到天津商務總會互選管理員辦公處填明資格以便彙呈 憲儘選互選人二十八俾得如期宣示祈 合格富紳幸勿自誤可也 互選管理員謹啟